



Universitätsbibliothek Paderborn

**R. P. Richardi Arsdekin Soc. Iesu S. Theol. Professoris
Theologia Tripartita Sive Resolutiones Polemicæ,
Speculativæ, Practicæ, Controversiarum, & Quæstionum,
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter
accommodatæ ...

De Controversijs Polemicis, & Scholasticis, etiam modernis

Archdekin, Richard

Antverpiæ, 1682

§. 4. Dissolvuntur breviter variorum argumenta contra scientiam Dei
Medium.

urn:nbn:de:hbz:466:1-40853

novit fore efficaces. Hæc autem duo optimè conciliantur per scientiam medium, & non ita per viam cui alij insistunt. Nam posito quod Deus istâ scientiâ videat, Si Petrus in talibus circumstantiis habeat hanc gratiam elicit actum amoris Dei, potest decernere Petro dare in talibus circumstantiis illam gratiam: atque ita decernet gratiam quæ infallibiliter inferet effectum, liberè tamen ponendum, ex determinacione libera Petri per scientiam medium prævisa. At verò absque ista scientia non ita appareat, quâ ratione possit dicta efficacia gratiæ à Deo dandæ cum libertate voluntatis conciliari. Debbit enim illa efficax & infallibilis connexio gratiæ cum actu provenire, vel ex ipsa natura & entitate gratiæ, per se determinantis, & sic non relinquat voluntatem proximè indifferenter ut possit seipsum determinare: vel certè ponet aliud quo proximè determinetur in præjudicium libertatis. Quæ difficultas plures etiam ante Jansenium, in eum errorem impulit, ut absolute negarent ad libertatem requiri illam voluntatis indifferentiam. Hunc nos scopulum existimamus aptissimè declinari per usum scientiæ mediae jam expositum, alij aliter, quorum varias & probabiles de hoc puncto sententias dabisimus infra in Controversia 7.

S. 4.

Dissolvuntur breviter variorum Argumenta contra scientiam Medium.

Obiciunt primò, Scientiam medium auferre Deo rationem primæ causæ, & primi liberi.
Absit

336 Pars 2. Cont. i. De varia in Deo Scientia,
Absit tantum nefas à Scientia illa minimè no-
xia. Proabant tamen, Quia supponit liberam de-
terminationem voluntatis creatæ conditionatæ
futuram , ante omne decretum actuale , & de-
terminatum voluntatis divinæ. Esto : Quid in-
de piaculi , quod Causa prima considerata in
statu conditionato nihil actu agat , ubi actu ni-
hil agitur. Sic enim in simili forma argumen-
tor , & ostendo ex illa objectione sequi , Scien-
tiam etiam simplicis intelligentiæ auferre à Deo
rationem primæ causæ , & primi liberi : Deus
ut cognoscens per scientiam simplicis intelli-
gentiæ objectum in statu possibilis v. g. ac-
tum creaturæ possibilem, nullum de eo objecto
habet actuale decretum : ergo Deus ut sic cog-
noscens non est prima causa , aut primum libe-
rum, Si claudicat hæc sequela, vacillat & ista ;
Deus per scientiam medium cognoscens objec-
tum in statu conditionato nullum de eo habet
actuale decretum : Ergo Deus ut sic cognoscens
non est prima causa , aut primum liberum. En-
utrobique error idem se manifestat , quod nem-
pe exigatur in statu non absoluto divina liber-
tas absolute exercita. Debet igitur hic primum
liberum sive primum determinans sumi propor-
tionatè ad statum in quo objectum considera-
tur, hoc est, in statu possibilis , Deus est pri-
mum liberum sive determinans , non actu, sed
possibiliter: in statu conditionato Deus est pri-
mum liberum non actu, sed conditionatè, sive,
esset primum agens liberè si conditio poneretur:
in statu autem absoluto Deus est primum libe-
rum actu & absolute. Cum ergo pro illo triplici
statu, in quo res eadē considerari potest, Deus sit
primū agens & primum liberum, nullo prorsus
modo per scientiam medium excluditur à ratio-
ne

ne primi agentis, liberi, determinantis. Nec impedit illa quo minus omne agens, & liberū creatū à Deo volente & decernente accipiat & ipsam potentiam eligendi, & totum actum electionis, relativè ad statum possibilem, conditionatum, aut actualē, in quo res à mente nostra consideratur existere. Hoc si ritè attenderetur, multum difficultatis, & contentionis evanesceret.

Obiicies tamen Secundò: Scientia media lœdit in hoc libertatem divinam, quod non proponat Deo objectum suum cum indifferentia ad existendum, vel non existendum, sed exhibeat determinatè futurum, si ponantur certæ circumstantiæ, quasi præveniendo determinationem divinam.

Respondeo negando assumptum: & iterum moneo, frustra obiici lœsionem aut impedimentum libertatis in statu conditionato, ubi non datur locus libertati exercenda, quæ tantum actu exerceri potest in statu absoluto. Cæterum non proponit scientia media actum voluntatis humanæ futurum sine dicta indifferentia, nisi ex hypothesi quod Deus liberè vellet suam gratiam, & concursum, & reliquas conditiones præbere, cum quibus prævidetur connectenda actio voluntatis humanæ, adeoque actus conditionatè prævisus per scientiam medianam, supponit etiam conditionatum exercitium libertatis divinæ, siue, quod hoc exercitium actu esset, si actura foret voluntas creata. Non enim concipitur hæc actura, nisi supponantur adfutura omnia ex parte Dei ad agendum requisita.

Obiicies tertio: Cum scientia media non consistit libertas voluntatis creatæ: Posito enim auxilio divino, & scientia mediâ quâ Deus novit, si detur hoc auxilium in his circumstantiis

P

habi-

Respondeo, Si ita noxia est libertati humanæ
scientia media auxilii indifferentis, vñ prævisio-
ni prædeterminationis physicæ, actum per se in-
fallibiliter inferentis. Nihilominus, admittunt
adversarii Deum prævidere, si ponatur præde-
terminatio physica, voluntatem liberè consen-
suram : Si ergo scientia conditionata futuræ
prædeterminationis, non tollit libertatem vo-
luntatis humanæ, quomodo eam tollet scientia
conditionata auxilii indifferentis, quod ex parte
sua voluntatem indeterminatam relinquit.

Ad rationem itaque allatam in forma dico :
Posito auxilio divino, & ista scientiâ mediâ, non
potest non sequi consensus voluntatis humanæ,
necessitate aliqua simpliciter antecedente istum
consensum, nego; necessitate aliqua consequen-
te & præsupponente liberum exercitium volun-
tatis, concedo ; hæc autem præscientia non po-
test tollere illam libertatem cuius exercitium à
præscientia non pendet, sed potius illa præscien-
tia dependet à determinatione conditionata &
libera ipsius voluntatis. Per scientiam itaque
medium ideo solum novit Deus Petrum consen-
surum, si ponatur in his circumstantiis, quia re-
ipsâ in illis constitutus ad consensum liberè se
resolueret. Nulla igitur hic est necessitas nisi
merè consequens ex hypothesi liberæ determi-
nationis voluntatis humanæ, cum absolute fue-
rit in potestate Petri efficere ut Deus hanc sci-
entiam non haberet, sed contrariam de negatione
consensus, si nempe Petrus in illis circumstantiis
positus nollet consentire.

Quinimo si voluntas esset instructa gratiâ, &
concursu Dei, & aliis ad agendum proximè re-
quisitis,

quisitis, eodem modo actum eliceret etiamsi scientia illa à Deo penitus abesset. Ista enim præscientia conditionata, quæ in actum nullo modo influat, non requiritur ad hoc ut voluntas possit agere; uti aliqui præpostere concipiunt, sed ut Deus in decernendo actu libero creaturæ procedat providè, & non cæco modo, per auxilia & media indifferentia, cum quibus non potest cognosci conjungendum esse effectum, nisi id exploretur beneficio scientiæ mediæ; sine qua in obtinendo efficaciter actu libero, dirigendæ essent à Deo suæ gratiæ eventu incerto: sicut ab homine emittuntur in scopum plures sagittæ, de quibus incertus est an hac, an aliâ scopus attingetur, cum singulæ ad hoc sint indifferentes, & possint à scopo aberrare.

Instabis, Etsi admitteretur scientia media esse posterior consensu voluntatis creatæ ut conditionatè futuro, est tamen illa prior eodem consensu in statu absoluto, sive ut est absolutè futurus, & stante illa præscientiâ necessariò sequitur: Ergo scientia media aufert libertatem istius consensus ut est absolutè futurus.

Respondeo distinguendo antecedens: Scientia media est prior consensu absolutè futuro aliquâ prioritate rationis, in quantum dirigit Deum ut actum futurum absolutè decernat, concedo antecedens: Est prior consensu absolutè futuro aliquâ prioritate naturæ, per modum causæ influentis, nego antecedens. Tantum enim requiritur illa scientia in Deo, ut cognoscatur consensus ille positis mediis indifferentibus infallibiliter securus, non verò ut illa in actum influat. Quinimo positis ceteris præquisitis actus ille non minus eliceretur, etiamsi scientia media abesset, ut supra ostendi, uti &

Quomodo verò universim scientia media ,
aut alia , quæ sic præcedunt actum liberum ut
ab ipso libero actus exercitio dependeant , nul-
lo modo officiant libertati , clarius elucescat ex
similitudine Umbræ , quæ Corpus nostrum ante-
cedit quando sol nobis à tergo obvertitur . Ni-
hil enim ambulantis libertati obest illa umbra
necessariò antecedens , cum illâ non obstante
posit homo pro suo arbitrio huc , vel illuc am-
bulare , & efficere ut hæc , vel illa umbra præce-
dat , quamvis ex hypothesi quod stet ad solem
retro lucentem debeat aliqua umbra hominem
antecedere . Est autem rerum futuritio quasi
quædam umbra intelligibilis , quæ licet , inter-
vallo temporum , rerum futurarum existentiam
antecedat , ab hac tamen futura existentia , tota
illa antecedens futuritio dependet . Non potest
igitur illa futuritio aut prænotio rerum futura-
rum libertati præjudicare , etiam si res quæ est ,
vel esset futura , per suam futuritionem antece-
dente in seipsum quodammodo objectivè ante-
vertat , uti umbra quasi quid idem cum corpore ,
ipsum corpus antecedit . Quæ similitudo facilius
accommodabitur rebus quæ tantum sub condi-
tione essent futuræ , si more Mathematicorum
considereremus astrorum umbras sive eclypes ,
quæ post viginti millia annorum essent futuræ ,
quamvis forte mundus tam diu non stabit ; a-
deoque eclypes illæ nunquam sint futuræ , ha-
bent tamen nunc suam futuritionem in mente
Mathematicorum . Sic etiam futuritio condicio-
nata non causatur ab ullo quod actu est , vel
erit , sed ab eo quod esset si conditio poneretur .

Et

Et per hanc similitudinem aptè explicari potest, quo pacto omnis Dei præscientia, prædefinitio, prædestinatio, reprobatio, quamvis fuerint ab æterno, non tollant hominis libertatem, sed à nostro arbitrio benè, vel malè operante dependent, quod ex grè capiunt studiores.

Obiicies quartò: Uſus ille scientiæ mediæ favere videtur errori Semipelagianorum. Si enim Deus in distribuenda gratia dirigatur per scientiam illam conditionalem, sequetur opera conditionatè ponenda esse causam cur Deus hanc gratiam homini largiatur, in hoc autem errant Semipelagiani.

Respondeo negando assūptum: Ad argumenti sequelam dico, opera conditionatè ponenda, et si sint certo modo causa finalis, ad quæ obtainenda conceditur gratia, non esse tamen opera illa causam meritioriam, aut imperatoriam gratiæ, sic ut illa nondum existentia gratiam sibi à Deo tanquam præmium concedi postulent; hoc autem contendebant Semipelagiani. Cum enim vellent omnem Dei gratiam homini dari ob merita ejus naturalia prævisa, & sèpè non reperirent merita absolutè futura, recurrebant ad merita, sive bona opera conditionatè ponenda; sic ut assererent ex duobus infantibus morituris uni prædestinari Baptismum, & alteri negari, eo quod Deus prævideret, si supervixissent, unum benè acturum, alterum male: item uni adulto, non alteri, fidem prædicari, eo quod Deus præscriret hunc, non illum, creditum si fides illis annuncietur. Ista autem doctrina etiam apud defensores scientiæ mediæ prorsus erronea est, cum certum sit nullum opus, nisi absolutè existens, præmium aut pénam mereri: imo constet multos præmature mori ac

342. Pars 2. Cont. 1. De varia in Deo Scientia,
salvari, qui si diutius vixissent, in multa deme-
rita, & peccata incidissent, juxta illud Sapientiae 4. Raptus est ne malitia mutaret intellectum ejus:
quem proinde locum sibi adversum, teste S. Au-
gustino lib. de prædest. Sanctorum cap. 14.
Semipelagiani repellebant, tamquam è libro
non canonico citatum. Causa itaque motiva
cur Deus det alicui gratiam quam prævidet fore
efficacem, potius quam merè sufficientem, est
ipsa Dei bonitas, quam non tenetur in omnes
æqualiter exercere: præscientia autem condi-
tionalium proponit Deo opus bonum condicio-
natè futurum, ut dixi, non ut causam merito-
riam gratiæ efficacis, sed tantum ut causam fi-
nalem, quæ non movet actu existens instar me-
riti, sed per modum objecti futuri, & per media
procurandi, juxta illud D. Thomæ quæst. 23. art.
1. ad primum. Usus gratiæ præscitus non est ra-
tio collationis gratiæ, nisi secundum rationem
causæ finalis.

Obiicies quintò: S. Augustinus agens contra
Semipelagianos, scientiam medium non agnos-
cebat. Nam teste Prospero in epist. ad S. Au-
gustinum, Semipelagiani credebant ab Augusti-
no sub nomine prædestinationis, fatalem quan-
dam induci necessitatem. Atqui istius necessitatis
nulla poterat esse apparentia, si prædestinatur
gratia indifferens, quæ per scientiam condi-
tionalium certò cognoscitur consensum voluntati
liberè obtentura. Ergo D. Augustinus illam
scientiam non agnoscebat.

Respondeo, Etsi S. Augustinus in statuenda
prædestinatione usus fuisset scientiâ mediâ, po-
tuisse nihilominus Semipelagianis videri, etiam
cum illa, non satis salvari hominis libertatem:
sicut etiamnum multi contendunt per prædefi-
nitionem

nitionem nixam scientiæ mediæ creaturæ libertatem everti , ut supra vidimus in objectione quarta : quamvis è contra alij existiment eā possum nullum esse evertendæ libertatis periculum.

De cetero, notam fuisse S. Augustino, aliisque Patribus scientiam illam conditionalium , patet vel eo, quod noverint ex Scripturis Deum p̄aescivisse , quid acturi fuerint Ceilitæ si David apud eos mansisset ; & quid visis Christi miraculis fecissent Tyrij & Sidonij , de quibus supra. Atqui S. Augustinus & Patres non agnoverunt de actionibus istis sub conditione futuris decreta conditionata quæ ponunt Thomistæ , s̄apē enim disertè docet S. Augustinus, non omnium rerum , quarum est in Deo præscientia , earum etiam esse prædestinationem, sive decretum, sed prædestinationem esse de rebus bonis tantum , præscientiam etiam de malis. Ergo debet S. Augustinus cum aliis Patribus , ad præscientiam istarum actionum, maximè malarum,scientiam medium agnovisse.

His breviter dissolutis , non parum subit admirari , argumenta ista ab adversariis jactari tanquam tela scientiæ mediæ , ac Molinistis fatalia,cum tamen ex iis præcipua facile possint unico verbo infringi , & in suos Authores retrorqueri, ut jam ostendo.

Jactant imprimis S. Augustinum in concilianda gratia cum libertate nomen scientiæ mediæ nunquam usurpare. Sed ne hoc prolixè disputeatur, ita sit, quid inde ? Nusquam gratiæ per se determinantis, nusquam physicæ prædeterminationis, nusquam istius decreti ex parte actus absoluti &c. nomen disertè expressit. An ideo agnosces hæc quoque penitus repudianda tanquam S. Augustino ignota ? Nihil igitur hinc in scientiam

344 Pars 2. Cont. 1. De varia in Deo Scientia,
tiam medium potius quam in adversariorum do-
ctrinam invidiae redundat.

At urgent alij D. Augustinum scientiam me-
diam in Semipelagianis diserte reprobasse. Sed
contra : Si Scientiam hanc ne quidem de no-
vit , quo pacto eam disertè reprobavit ? Dico
igitur S. Augustinum scientiam in Deo medium
nunquam repudiassse , admitto tamen quando-
que malum ejus usum in Semipelagianis repre-
hendisse. Verùm quid inde conficies ? An non
potest rei optimæ abusus esse pessimus ? Si hac
tempestate Calvinistæ gratiâ per se prædeterminante
sic abutantur , ut perperam doceant per
eam humanæ voluntati necessitatem inferri , an
ideo admittes gratiam illam esse Calvinianam ,
& è Scholis relegandam ?

Sed inquires , Semipelagiani olim aiebant , ali-
quos infantes præ aliis ante mortem Baptizari ,
& quosdam adulti præ aliis ad Fidem efficaci-
ter vocari , quia nempe Deus per scientiam me-
diam prævidit illos postea si superviverent fidem
liberè amplexuros ; quod ab Augustino & Ec-
clesia universa meritò damnatum fuit.

Resp. Semipelagianos in eo damnatos esse ,
quod dicerent opera bona ex viribus naturæ , &
tantum conditionatè futura , vim habere meriti ,
& ad salutem conducere , non quod assererent
ea opera à Deo sub conditione fuisse prævisa.

Hoc si neges , & porro contendas , illorum
errorem in hac præscientia situm fuisse . Vide ne
te ipsum non minus quam tuos Adversarios in-
cautè impugnes . Nam & ipse saltem in decretis
conditionatis præscientiam de omni objecto
etiam sub conditione futuro in Deo admittis ;
& tamen ex præscientia sic habita sequetur vim
meriti absolutam competere operibus ut con-
ditionatè

ditionatē futuris, si id ex vi scientiæ mediæ sequi, debeat : Parum enim refert sive Deus in decre-
tis, sive per scientiam medium opera illa præ-
cognoscat, ad hoc ut rationem meriti obtine-
ant, in quo illis attribuendo hæretici illi meritō
damnati fuere. Atque ita ut alios in Pelagianum
illud pelagus demergas, te ipsum in eandem rui-
nam incutē præcipitas.

Sunt & alij, qui scientiæ mediæ patronis obiiciunt, quod velint esse prīmi istius scientiæ authores, cum tamen ea sit antiqua, & pridem cognita : at contra alij ex adversariis eam novitatis insimulant. Nec defunt alij qui scientiam medium penitus abstrusam, & inconceptibilem esse affirmant : alij vero eam ut nimis apertam, & facilem gratiæ & libertatis conciliatricem accusant, cum mysterium hoc maximè reconditum esse omnes agnoscant. Hæ accusationes dum se mutuo interimunt, nostrâ responsione non egent.

Stant autem pro hac Scientia, præter Autho-
res, Societatis, variae Academiæ, ac Doctores ce-
leberrimi. Pro eâdem apud Henauum & Philale-
them cap. 3. §. 3. à pag. 175. ex Archiepiscopis
enumeratur Hugo Cavellus, Antonius Peres, Au-
gustinus Antolinus, Gasper Nemius Duaci olim
Professor : Ex Episcopis Malderus, Mascarenius,
Dietalepius, Manriquez, Abelli, Crespi, Joannes
Strienus, Levinus Torrentius, S. Franciscus Sale-
sus novum Ecclesiæ tam sanctitate quam doc-
trinâ columen & ornamentum. Ex quibus dis-
cernet idoneus Lector hanc Scientiam, & quæ
illi innituntur dogmata, inter sanæ, solidæque
doctrinæ articulos liberè recipiendam, etsi con-
tra eam à pluribus more scholastico disputetur,
uti sit in Controversia sequenti.

P 5

C O N-